



PROCEDIMENTO 2º CICLO E SUCESIVOS DO CONCURSO DE TRASLADOS ABERTO E PERMANENTE

ÍNDICE

1. Participei no ciclo anterior do concurso aberto e permanente. Debo rexistrar de novo un formulario de inscrición?.....	2
2. Como accedo ao formulario de inscrición do novo ciclo?.....	3
3. Debo entregar de novo a documentación que acredita a capacidade funcional ou a conciliación?.....	4
4. Cal é o prazo para realizar as modificacións no formulario de inscrición?.....	5
5. Como podo desistir da miña solicitude no concurso de traslados?.....	5
6. Podo presentar novos méritos?.....	6
7. Podo participar no novo ciclo no caso de ser adxudicatario/a dun destino no último concurso?.....	6
8. Participo dende unha praza en propiedade noutro servizo de saúde distinto ó Servizo Galego de Saúde. Debo achegar de novo a documentación dos requisitos de participación?.....	6
Para máis información sobre o concurso de traslados aberto e permanente:.....	7
Para resolver as súas dúbidas sobre este proceso:.....	7

1. Participei no ciclo anterior do concurso aberto e permanente. Debo rexistrar de novo un formulario de inscrición?

A solicitude de participación no concurso de traslados estará vixente para o seguinte ciclo no caso dos/das profesionais que participaran no concurso de traslados aberto e permanente no ciclo anterior **e non resultaron adxudicatarios/as dalgún dos destinos solicitados.**

Vixencia. Unha vez presentada, a solicitude de participación manterá a súa vixencia nos sucesivos ciclos anuais de adxudicación ata que o/a profesional resulte adxudicatario/a dalgún dos destinos seleccionados, sen prexuízo da posibilidade de desistencia ou modificación nos termos que se indican nesta regulación.

Os/as profesionais que resultaron excluídos/as por non cumprir o requisito de antigüidade no último destino definitivo mínima dun ano ou por non ter seleccionado ningún destino, tamén disporán do seu formulario de inscrición no concurso vixente para o seguinte ciclo.

Polo tanto, se se atopa nalgún dos casos anteriores non é preciso que rexistre un novo formulario.

Debe saber que a inscrición no concurso aberto e permanente aplicará no seguinte ciclo anual coa última selección de prazas efectuada por vostede. Pode realizar as modificacións nos prazos establecidos.

Se non desexa participar no novo ciclo de concurso de traslados **DEBE DESISTIR** da mesma.

2. Como accedo ao formulario de inscrición do novo ciclo?

Para visualizar o formulario debe acceder ao Fides/expedient-e no apartado de procesos e na parte inferior da pantalla pode ver a **súa inscrición no proceso que aplicará para o novo ciclo anual**.

CONCURSO TRASLADO									
CATEGORÍA									
	CONVOCATORIA	FASE PROCESO	DATA FASE			ESTADO	RESULTADO		
CELADOR/A									
	Concurso Traslados Aberto Permanente	LISTA DEFINITIVA	15/10/2018			VALIDADA			
	Concurso Traslados Aberto Permanente	INSCRIPCIÓN EDITABLE ?	15/01/2019			VALIDADA			

Esta inscrición estará en **estado EDITABLE ata o 15 de xaneiro**, para que realice as modificacións que desexe e que aplicarán ao novo ciclo do concurso de traslados.

Para acceder ao contido editable do formulario prema na opción de visualizar:

CONCURSO TRASLADO									
CATEGORÍA									
	CONVOCATORIA	FASE PROCESO	DATA FASE			ESTADO	RESULTADO		
CELADOR/A									
	Concurso Traslados Aberto Permanente	LISTA DEFINITIVA	15/10/2018			VALIDADA			
	Concurso Traslados Aberto Permanente	INSCRIPCIÓN EDITABLE ?	15/01/2019			VALIDADA			

Unha vez que visualiza o formulario, pode modificar tanto a selección de destinos como outros apartados do formulario relativos á conciliación da vida familiar e laboral e capacidade funcional.

Para agregar novos destinos lembre que debe marcar o destino e premer en agregar:

SELECCIÓN DE PRAZAS ?

☐ SELECCIONAR TODOS FILTRAR 

CENTRO DIRECTIVO	CENTRO	CONCELLO	ÁREA SANITARIA	QUENDA	CÓDIGO
Sinale unha ▼			Sinale unha ▼	Sinale unha ▼	
☐ EOXI de Ourense, Verín e O Barco de Valdeorras	Hospital de Valdeorras	BARCO DE VALDEORRAS, O	BARCO	-	0320400040
☒ EOXI de Ourense, Verín e O Barco de Valdeorras	Hospital de Verín	VERIN	OURENSE	-	0329900040

AGREGAR

Para eliminar destinos, debe premer na opción da papeleira:

	CENTRO DIRECTIVO	CENTRO	CONCELLO	ÁREA SANITARIA	QUENDA	
1	EOXI de A Coruña	OLEIROS PAC	OLEIROS	CORUÑA	PAC	

Non se esqueza de ordenar os destinos segundo a súa preferencia.

Unha vez realizadas as modificacións, debe premer no botón de **MODIFICAR** situado na parte inferior da pantalla e **acceder á plataforma de sinatura electrónica para asinar ditos cambios**.

Só se admitirá en cada ciclo de adxudicación a última modificación na selección de prazas que se presente por REXISTRO ELECTRÓNICO, dentro do prazo establecido.

3. Debo entregar de novo a documentación que acredita a capacidade funcional ou a conciliación?

Debe achegar documentación que acredite as condicións relativas á conciliación da vida laboral e familiar ou a capacidade funcional **só no caso de existir modificación de ditas condicións**. Debe dirixir esta documentación á Unidade de Validación á que dirixiu a solicitude de participación no concurso.

No caso de non existir modificacións en ditos apartados non é preciso que achegue de novo a mesma documentación.

A Administración poderá requirir, en calquera momento, a achega de documentación complementaria acreditativa de calquera requisito ou mérito, aínda que conste validado.

4. Cal é o prazo para realizar as modificacións no formulario de inscrición?

Se desexa modificar os destinos seleccionados ou calquera outro apartado do formulario relativo á capacidade funcional, conciliación da vida laboral e familiar, etc. ten de prazo **ata o 15 de xaneiro**.

Para a **modificación dos destinos exclusivamente**, terá tamén un prazo de 15 días naturais seguintes á publicación no Diario Oficial de Galicia (1º trimestre do ano) da oferta de prazas correspondente a cada ciclo anual de adxudicación.

Esta modificación deberá presentarse por REXISTRO ELECTRÓNICO, consignando a súa sinatura dixital.

5. Como podo desistir da miña solicitude no concurso de traslados?

No caso de que desexe **DESISTIR da súa participación** no concurso aberto e permanente no próximo ciclo anual, pode realizalo deixando no seu formulario de inscrición os destinos seleccionados en branco.

Lembre que o destino adxudicado será irrenunciable agás que a renuncia estea motivada pola obtención de praza en virtude da resolución dun procedemento de mobilidade voluntaria convocado por outra Administración pública ou servizo de saúde.

6. Podo presentar novos méritos?

Ten de prazo **ata o 15 de xaneiro** para a presentación de novos méritos que previamente debe rexistrar no Fides/expedient-e. Os méritos que se valoran son os causados ata o 15 de decembro do ano anterior a cada ciclo.

7. Podo participar no novo ciclo no caso de ser adxudicatario/a dun destino no último concurso?

No caso de resultar adxudicatario/a dalgún dos destinos seleccionados no último concurso de traslados, **a solicitude de inscrición será automaticamente dada de baixa**. Para poder participar en próximos ciclos de adxudicación deberá presentar unha nova solicitude.

Teña en conta que segundo a normativa vixente, para poder participar nun novo concurso de traslados requírese que tomase posesión da praza estatutaria desempeñada cun ano de antelación como mínimo, á data límite de cumprimento dos requisitos de participación (15 de xaneiro para cada ciclo anual).

8. Participo dende unha praza en propiedade noutro servizo de saúde distinto ó Servizo Galego de Saúde. Debo achegar de novo a documentación dos requisitos de participación?

Se vostede participa dende unha **praza en propiedade noutro servizo de saúde distinto ó Servizo Galego de Saúde**, debe comprobar que son correctos os **datos de situación administrativa** rexistrados no seu formulario. No caso de realizar algunha modificación debe comunicar á unidade de validación a que dirixiu a solicitude de participación no concurso o cambio na situación administrativa reflectida no formulario de inscrición, achegando a documentación que proceda.

En todo caso debe presentar **certificado actualizado de servizos prestados** dirixido á mesma Unidade de Validación da inscrición, rexistrando os períodos no apartado de “outra experiencia” do Expedient-e.

Non é preciso achegar outra documentación acreditativa -nomeamento, toma de posesión, resolución de excedencia- no caso de non existir variación na situación administrativa e ter acreditado dita situación no anterior ciclo de concurso de traslados.

Para máis información sobre o concurso de traslados aberto e permanente:

Consulte á páxina web do Servizo Galego de Saúde (www.sergas.es) – Emprego Público- Concurso de traslados- Concurso de traslados aberto e permanente (<https://www.sergas.es/Recursos-Humanos/Concurso-de-traslados-aberto-e-permanente>)

Para resolver as súas dúbidas sobre este proceso:

Atenderémolo nas [Unidades de Validación](#) de cada Centro de xestión e tamén no enderezo de correo electrónico: concurso.traslados@sergas.es